

**ERINDISBRÉF  
FYRIR  
LÝÐHEILSUNEFND EYJAFJARÐARSVEITAR**

**I. kafli.  
Skipan nefndarinnar og hlutverk.**

**1. gr.**

Lýðheilsunefnd er skipuð af sveitarstjórn til fjögurra ára að afloknum bæjar- og sveitarstjórnakosningum. Nefndin fer í umboði sveitarstjórnar með málefnisveitarfegsins um heilsueflandi samfélag eftir því sem sveitarstjórn lætur þau til sín taka eða felur nefndinni sérstaklega.

**2. gr.**

Lýðheilsunefnd er skipuð fimm fulltrúum og jafn mörgum til vara. Auk kjörinna fulltrúa hefur sveitarstjóri rétt til að sitja fundi nefndarinnar með málfrelsi og tillögurétti. Oddviti sveitarstjórnar boðar nefndina saman til fyrsta fundar eða ákveður hver skuli gera það nema formaður hafi áður verið valinn af sveitarstjórn. Á þeim fundi skal kjósa formann, varaformann og ritara nema lög eða sveitarstjórn ákveði annað. Ef formaður fellur frá eða forfallast á annan hátt varanlega getur sveitarstjórn ákveðið hvort varaformaður tekur við formennsku í nefndinni eða velur annan í það hlutverk.

**3. gr.**

Helstu verkefni lýðheilsunefndar eru eftirfarandi:

- a. Að vera sveitarstjórn til ráðuneytis í öllu því sem viðkemur líðheilsu og hafa frumkvæði að tillögugerð til sveitarstjórnar á þeim vettvangi.
- b. Að eiga samstarf við aðrar nefndir um þau viðfangsefni, sem sameiginleg geta talist.
- c. Að gera tillögu að ráðningu forstöðumanns/umsjónarmanns íþróttamannvirkjanna
- d. Að gera tillögu að starfsreglum/erindisbréfi fyrir starfsmenn í málaflokknum.
- e. Að gera tillögu að samþykktum/reglugerðum fyrir þau málefni sem nefndin hefur umsjón með eftir því sem tilefni kalla til.
- f. Að gera tillögu að gjaldskrá fyrir leigu og afnot af þessum mannvirkjum.
- g. Að gera tillögu um styrkveitingar til einstakra verkefna, félaga, stofnana eða einstaklinga enda hafi sveitarstjórn veitt nefndinni umboð til þess.
- h. Að gera tillögu að uppbyggingu á vettvangi lýðheilsamála og nýtingu mannvirkja.
- i. Að eiga samstarf við frjáls félagasamtök, sem starfa á þessum vettvangi.
- j. Að leitast við að efla allt starf sem leiðir til aukinnar lýðheilsu innan sveitarfélagsins.
- k. Að annast önnur verkefni á þessum vettvangi eftir því sem sveitarstjórn ákveður eða lög mæla fyrir um.
- l. Að fylgja eftir stefnunni um *Heilsueflandi Eyjafjarðarsveit* og vera sveitarstjórn ráðgefandi varðandi framgang hennar. Að styðja samfélagið í að skapa umhverfi og aðstæður sem stuðla að heilbrigðum lifnaðarháttum, heilsu og vellíðan allra íbúa sveitarfélagsins. Sveitarstjóri hefur umsjón með Heilsueflandi samfélagi, sér til þess

að samræma tillögur stefnunnar tengdri þvert á nefndir, að henni sé fylgt í hinum ýmsu ákvörðunum sveitarfélagsins og að hún sé hluti af daglegum rekstri þess.

#### **4. gr.**

Lýðheilsunefnd fylgist með ástandi þess búnaðar, sem tilheyrir þeim mannvirkjum er undir hana heyra. Hún gerir tillögu til sveitarstjórnar um endurnýjun hans og skulu slíkar tillögur ásamt kostnaðaráætlun liggja fyrir í okt. ár hvert eða fyrr ef sveitarstjórn óskar svo. Sama gildir vilji nefndin koma á framfæri ábendingum um nýja þjónustu, rekstrarþætti eða framkvæmdir, sem falla undir verksvið hennar.

#### **5. gr.**

Lýðheilsunefnd skal fylgjast með fjárhagslegri afkomu þess málaflokks, sem hún hefur umsjón með. Hún skal a.m.k. fjórða hvern mánuð afla sér upplýsinga um rekstrarstöðu hvers viðfangsefnis og leita skýringa á frávikum frá fjárhagsáætlun ef um þau er að ræða.

### **II. kafli**

#### **Fundir nefndarinnar og starfshættir.**

#### **6. gr.**

Fundir í Lýðheilsunefnd skulu haldnir þegar efni liggur fyrir til umfjöllunar en þó ekki sjaldnar en 4 sinnum á ári. Skyld er að boða fund ef meirihluti nefndarmanna æskir þess.

#### **7. gr.**

Formaður boðar fund og stýrir honum. Formaður skal ávallt hafa samráð við sveitarstjóra um boðun fundar og kynna honum efni hans. Fundur telst löglega boðaður ef til hans er boðað með minnst tveggja sólarhringa fyrirvara. Fundir nefndarinnar skulu að öllu jöfnu boðaðir með skriflegri dagskrá og skal dagskránni fylgja afrit erinda eða annarra skriflegra gagna, sem tengjast dagskrárlíðum fundarins. Fundir skulu haldnir fyrir luktum dyrum. Fundur telst ályktunarhæfur ef meirihluti nefndarmanna er mættur og ræður afl atkvæða afgreiðslu mála. Falli atkvæði að jöfnu telst mál fallið.

#### **8. gr.**

Fundir lýðheilsunefndar skulu skráðir í sérstaka fundargerðarbók eða tölvuskráðir. Við skráningu skal fylgja þeim meginreglum, sem gilda um skráningu fundargerða sveitarstjórnar sbr. 32. gr. samþykktar um stjórn Eyjafjarðarsveitar. Fundargerðarbók og öll bréf, erindi, skýrslur og skjöl sem snerta starf nefndarinnar skulu varðveitt á skrifstofu Eyjafjarðarsveitar. Fulltrúar í sveitarstjórn ásamt sveitarstjóra hafa óheftan aðgang að þessum gögnum nema lög ákveði annað.

#### **9. gr.**

Þagnarskylda er lögð á herðar þeim sem vegna starfa sinna í Lýðheilsunefnd hafa fengið upplýsingar um mál, sem ætla má að leynt eigi að fara skv. eðli þeirra eða lögum, hvort sem þau varða einkahagi fólks eða almannahagsmuni. Nefndarmenn skulu undirrita

drengskaparheit um þagnarskyldu sína. Þagnarskylda helst áfram þótt nefndarmenn hætti störfum.

#### **10. gr.**

Nefndin skal fyrir lok febrúarmánaðar ár hvert hafa skilað til sveitarstjórnar ársskýrslu um störf sín á nýliðnu ári. Sveitarstjórn getur sett nefndum sveitarfélagsins samræmdar reglur um efnistöð og niðurröðun efnis í ársskýrslu.

#### **11. gr.**

Lýðheilsunefnd leitast við að haga störfum sínum á hverjum tíma í samræmi við stefnu sveitarstjórnar í málaflokknum og þann fjárhagsramma sem honum er settur. Þá skal hún leitast við að haga störfum sínum þannig að ákvarðanir hennar nýtist í þágu sem flestra íbúa sveitarfélagsins og sú skylda hvílir á hverjum nefndarmanni að setja ávallt almannahagsmunum ofar sérhagsmunum hvort sem í hlut á einstaklingur, hópar, félag eða samtök. Nefndarmenn eru þó ekki bundnir af öðru en sannfæringu sinni, lögum, reglugerðum og samþykkt um stjórn Eyjafjarðarsveitar í atkvæðagreiðslu á fundum nefndarinnar.

### **III. kafli. Eftirfylgni.**

#### **12. gr.**

Til að fylgja eftir staðfestum ályktunum eða samþykktum nefndarinnar skal formaður snúa sér til sveitarstjóra. Þurfi frekari eftirfylgni snýr formaður sér til sveitarstjórnar.

### **IV. kafli. Réttindi og skyldur nefndarfulltrúa.**

#### **13. gr.**

Um réttindi og skyldur nefndarmanna gilda eftir því sem við á ákvæði II. og III. kafla sveitarstjórnarlaga nr. 45/1998, sbr. einnig IV. kafla sömu laga og III. og IV. kafla samþykktar um stjórn Eyjafjarðarsveitar. Nefndarmönnum er skylt að kynna sér þessi ákvæði. Samþykktina má finna á heimasíðu Eyjafjarðarsveitar og lög á vef Alþingis.

#### **14. gr.**

Fulltrúar í lýðheilsunefnd skulu kynna sér þau lög og þær reglugerðir sem gilda um þá málaflokka, sem undir nefndina heyra og samþykktir og reglur sem sveitarstjórn hefur sett. Í þessu samhengi er m.a. bent á eftirfarandi:

- Lög um æskulýðsmál, nr. 70/2007.
- Íþróttalög, nr. 64/1998.
- Reglur og samþykktir sveitarstjórnar um rekstur íþróttamannvirkja, gjaldskrár og starfslýsingar.

Þá er nefndum sveitarfélagsins skylt og rétt að eiga með sér samstarf um málefni sem kunna að skarast með einhverjum hætti eða málefni gefur að öðru leyti tilefni til.

**V. kafli.**  
**Gildistaka.**

**15. gr.**

Erindisbréf þetta, sem byggir á ákvæðum sveitarstjórnarlaga nr. 45/1998, stjórnisýslulögum nr. 37/1993 og samþykkt um stjórn Eyjafjarðarsveitar var afgreitt í sveitarstjórn Eyjafjarðarsveitar xx.xx 2020 til að taka þegar gildi. Jafnramt er úr gildi fallið erindisbréf fyrir íþróttá- og tómstundanefnd Eyjafjarðarsveitar frá 24. maí 2017.

Skólatröð 9, 23.01.2020  
sveitarstjórinn í Eyjafjarðarsveit